

QVÆSTIO MEDICA
CARDINALITIIS DISPUTATIONIBVS
MANE DISCVTIENDA IN SCHOLIS MEDICORVM.

DIE IOVIS XXIX. MARTII.

M. NICOLAO REGNIER, Doctore Medico, Moderatore.]

An suilla salubris?

739



O M O fortunæ ludibrium, morborum mancipium, nascens moritur, & in horas senescit, velit, nolit; sed fatalem hanc metam tardiùs aut celerius attingimus, prout medicas viuendi leges seruamus aut negligimus. Ad tuendam hominis valetudinem summa est aëris vt necessitas, sic dignitas, ab eoque *ἡ ἀέρ τοῦ ποίτητος* immutato Epidemij mitiores; *ἡ δὲ ἐλὼν τῶν νόσων* corrupto & putrente pestilentes oriuntur morbi; non minor alimentorum, ex quorum vitio *σπογγώδεις* pestilentibus grauiore sobolescunt. An non quoque mortales omnes aquarum mutationem, quàm aëris, grauiorem experiuntur?



O M O quilibet, etiam temperatissimus (qualem *σαθμὸν* & *μέτρον* reperiti & non contemnendâ temporis intercapedine durare prorsus necesse est) licet singularibus quibusdam prærogatiuis gaudeat, functiones omnes inculpatas habeat, morbificis causis potentissimè reluctetur, cibos bellè tum appetat, tum conficiat, vitam viuat perdiuturnam, nihilominus perennem triplicis substantiæ patitur iacturam; ne breui deficiat, noua instauratione quotidie opus est. sed dispar planè & damnoſa instauration, cum aqueum & diff'rens loco aërei & oleosi reponatur. Calor natiuus, vt Plautinus quispiam Parasitus, suo succo viuut, quandiu ipsi conueniens *ὑπὸ καύμα* deest. Alimentum hoc est, cuius vsus, vitæ conseruatio est, multum refert qua arte id vsurpetur. nihil delinquet qui substantiæ, quantitat, qualitatis, ordinis, temporis, præparationis habebit rationem: nec quid regioni, tempeſtati, ætati, consuetudini, debeatur, ignorabit.



LIMENTORVM immensa est varietas, nihilque homini intractum, laudo, si ex sanitatis studio nata diligentia, vt salubre alimentum ab insalubri *ἐν ἡμῶν* *ἀπὸ τοῦ κακώχρημα*, *ἐν περὶ τὸν δόσιν* inueniatur. Simplex vario & miscello haud dubiè salubrius. Alimenta suppeditant plantæ, animalia, animalium carnes attingere qui religioni ducunt, nimium superstitiosi; hinc purior & laudabilior succus, gignitur, concoctu facilior: hinc pauciora excrementa. Imbecilles cibi cuiusmodi sunt qui ex plantis petuntur, breuem vitam. Inter animalia pisces infimo planè sunt loco, vt non immeritò veterum exoleuerit consuetudo, qui suis ægris pisces non raro porrigebant, nunc ab ægiorum triclinijs exulant. An præcipiti hyeme & vere nouo salubris *ἡ ἐκ χειμῶνος* salubris *μεσοστία*? quò vberior calor natiuus, eò copiosiori & valentiori alimento refici debet.



VILLO pecori pro sale animam, ne putresceret, benigna concessit rerum parens, atque vt idonei alimenti, imò suauis & opipari affatim haberemus, singulari fecunditate animal esse voluit; in Suilla sãpores plus minus quinquaginta obseruare licet, vixque aliquid in hac pecude occurrit, quod non edendo sit & peculiari suauitate alliciat: sed hoc nihil est si cum alimenti præstantia & salubritate conferatur; quidni verò temperatissimum animal, humanæ carni simillimum, odoris nullo, sãporis nullo manifesto discrimine (alimento: um, imò medicamentorum quorumlibet *ἐλὼν τῶν νόσων* his internoſci quid vetat?) probatissimum succum & conuenientissimum alimentum largietur? Accedit alia commendatio, quod potenter nutriat. Ventris stabilimentum panis & suilla. Senſere hoc Athletæ (miserum olim hominum genus, *πολυσφαγῆς* & robori virium, sed perperam studentes, nusquam sani, cum maximè sani, quos rectè à sicubus ad carnes præsertim suillas, tranſtulit Pythagoras exercitator:) senſere inquam ex pari alterius cibi mole imminutas postero die suas vires.



RÆTER istam suillæ carnis temperaturam obseruabit prudens diæteticus hominis alendi ætatem & conditionem; animalis quoque alimentum suppeditaturi homini ætate florenti, calidiore temperamento, multis & laboriosis exercitationibus indulgenti, bellissimum suppeditabunt alimentum, suum ætate vigentium carnes, otiosis & sedentariam vitam agentibus non perinde viles futuræ sunt. Commodiores erunt teneriorum & adhuc crescentium. Vulgò parum ad has præceptiones attenditur, nec semper medicinæ cum gula conuenit: lactentis & subrumi caro hodiè que in delicijs est, medicis damnatur quod humiditate nimia diffuset: vetustioris porci carnem vt concoctu difficilem & melancholici succi procreatricem, rectè omnes auersantur. Vtriusque salubriores sunt nefrendes, vt pote carnem compactiore, minùsque humida; omnium saluberrimi mediæ ætatis, mediæ quoque inter macrum & obesum habitudine, quorum carnes non Apiciano more, sed medico artificio conditæ & præparatæ, siue ad conualescentiam *ὑπὸ ἀσπερῶν*, siue ad sanorum *θρέψιν* & *αὐξήσιν* commodissimæ sunt.

Ergo Suilla salubris. 180

Proponebat Lutetiæ NICOLAVS MATHIEV Barroductus. A. R. S. H. M. DC. XXIX.